



ЖАҢА ӨМІР

БЕЙСЕНБІ
№49 (10681)
4 желтоқсан
2025 жыл

ГАЗЕТ 1941 ЖЫЛДЫҢ 27 ЖЕЛТОҚСАНЫНАН ШЫҒА БАСТАДЫ

МАҢҒЫСТАУ АУДАНДЫҚ ҚОҒАМДЫҚ-САЯСИ ГАЗЕТ

● АПТА ЖАҢАЛЫҚТАРЫ

ЕЛІМІЗДЕ 2 334 АУЫЛ ӘКІМІ САЙЛАНҒАН. МАҢҒЫСТАУ АУДАНЫНДАҒЫ ЖАС ӘКІМДЕР СОЛ ҚАТАРДА АЛДЫҢҒЫ ҚАТАРДАН КӨРІНІП ОТЫР.



ЖАҢА БУЫН – ЖАҢА БАҒЫТ

Қазіргі таңда ауданға қарасты ауылдардың басым бөлігін 30–40 жас аралығындағы жаңа буын әкімдер басқаруда. Олар сайлау арқылы мемлекеттік қызметке келген.

Жас басшылардың тағайындалуы жергілікті басқаруға тың идеялар мен заманауи тәсілдердің енгізілуіне жол ашып, ауылдардың әлеуметтік-экономикалық дамуына, инфрақұрылымды жақсартуға және тұрғындармен тиімді байланыс орнатуға ықпал етуде.

Аудан бойынша әкімдердің орта жасы шамамен 30–35 жас. Солардың ішінде ең жас әкім – 27 жастағы Шебір ауылының басшысы Сағынжан Тұрақбаев. Сонымен қатар: Жармыш ауылын – 29 жастағы Заманбек Әнуаров, Тұңықұдық ауылын – 27 жастағы Наурызбек Мергенов, Ақшымырау ауылын – 29 жастағы Абзал Қарақойшыев та бар.

30–34 жас аралығындағы тәжірибелі жас әкімдер қатарында Қызанда Ғабит Балғабаев, Шайырда Ақтілек Амантаев, Жынғылдыда Әсет Маратұлы, Сайөтесте Сабыржан Әбдиев, Оңдыда Қуаныш Жәнібекұлы бар. Ақтөбе ауылдық округін Махамбет Бекмурзинда бар.

Айта кетелік жуырда ғана Астанада ауыл әкімдерінің диалог-платформасы өтті. Жиында Мемлекет басшысы Қасым-Жомарт Тоқаев ауылды өркендету, ауыл әкімдері институтын одан әрі жетілдіру міндеттерін айқындап, елдің саяси және әлеуметтік-экономикалық дамуына қатысты маңызды мәселелерді көтерді. Президент әкімдердің өкілеттіктерін нақтылау және жауапкершілігін күшейту жөнінде тапсырмалар берді.

● БАСПАСӨЗ-2026

ҚОЛДАУЛАРЫҢЫЗ БІЗГЕ ҚАНАТ БІТІРЕДІ

ЕСКІ ГАЗЕТТЕРДІ ПАРАҚТАП ОТЫРЫП «ЖАҢА ӨМІР» ГАЗЕТІНІҢ 1995 ЖЫЛДЫҢ 7 ҚАЗАНЫНДА ШЫҚҚАН №44 САНЫНДА ЖАРИЯЛАНҒАН «ЖАҢА ӨМІРГЕ» ЖАЗЫЛУ ҚАЛАЙ БОЛЫП КЕЛЕДІ?» ДЕГЕН МАҚАЛАҒА КӨЗІМ ТҮСТІ. МАҚАЛА БАСЫ «ЕЛІМІЗДЕ АЛДАҒЫ ЖЫЛДЫҢ БАСПАСӨЗІНЕ ЖАЗЫЛУ ЖАППАЙ ЖҮРІП ЖАТЫР. ОСЫ ЖЫЛДЫҢ ІШІНДЕ ТОЛЫҚ АЛҒАН ДА, ЖАРТЫЛАЙ АЛҒАН ДА, ТІПТІ АҚШАСЫН ТӨЛЕП, ЖҮЗІН КӨРМЕГЕН БАСЫЛЫМАРЫМЫЗ ДА БАР. ТОПТАП БІР АЛЫП, УАҚЫТЫ ӨТІП КЕТКЕН ӨЗГЕ «МҮҚТАЖҒА» ПАЙДАЛАНҒАНЫМЫЗ ДА БАР. БІРАҚ АЗ БА, КӨП ПЕ ӘЙТЕУІР ЖАЗЫЛАМЫЗ ҒОЙ. ӨЙТКЕНІ БАСПАСӨЗ – РУХАНИ АЗЫҚ, ОНСЫЗ ҚАРЫН АУЫРМАҒАНЫМЕН, БАС «АУЫРАДЫ». ӨЗГЕЛЕР СИЯҚТЫ АУДАНДЫҚ ГАЗЕТКЕ ДЕ ЖАЗЫЛЫМ ЖҮРІП ЖАТЫР. ОҚЫРМАНДАР «ЖАҢА ӨМІРДІ» УАҚЫТЫНДА АЛДЫ, АЛА БЕРЕТІН ДЕ БОЛАДЫ, ОҒАН ҚҰДАЙ ДЕП АЙТАЛЫҚ, СЕНІҢІЗДЕР ГАЗЕТ БАҒАСЫ СОЛ БҮРЫНҒЫ 104 ТЕҢГЕ. БҮЛ БАҒА ҚЫМБА ПА, АРЗАН БА ӨЗДЕРІҢІЗ ОЙЛАП КӨРІҢІЗДЕР, БІР КІЛӨТ, НЕ БІР ҚҰТЫ АРАҚ ҚОЙ. АУДАНДЫҚ ГАЗЕТ ТЕЛЕДИДАРЫ, РАДИОСЫ, БҮРЫНҒЫДАЙ ЖҮЙЕЛІ ХАБАРЛАРЫ ЖОҚ ЕЛГЕ ЖАМАН-ЖАҚСЫЛЫ АУДАН ӨМІРІН КӨРСЕТІП ОТЫРҒАН БІРДЕН-БІР АҚПАРАТ ҚҰРАЛЫ, ТӘРБИЕ ҚҰРАЛЫ. ТІПТІ ЕЛДІҢ АМАНДЫҚ – САУЛЫҒЫН ДА ЖҮРТШЫЛЫҚ «ЖАҢА ӨМІРДЕН» БЫЛП ОТЫРАДЫ ДЕСЕК АРТТЫҚ ЕМЕС» ДЕП ЖАЗЫЛҒАН.

Осы сөздерді оқып отырып, қай уақытта да баспасөзге жазылу науқанын абыройлы аяқтау оңайға соқпағынын ұққандай болдым. Ол кезде 104 теңгені қымбат көрсек, қазір қоғамда «газетті кім оқиды?» деген пікір бар екенін жасырып қайтесіміз?

Бірақ, ақпарат кеңістігінде газет әлі күнге дейін жарық көріп келе жатса, демек, ол әлі де өмір сүреді деген сөз. «Газетке жазылу науқанын жүріп жатыр, үйден, мекемеден шықпай-ақ, қосымшалар арқылы жазылуға болады» деген хабарламамызға «Әрине, аудандағы жалғыз басылымға жазылмағанда, қайда жазыламыз, ұжым болып қолдаймыз» деп жылы сөзін арнаған әр ұжымға алғыстан басқа айтарымыз жоқ. Газеттің қадірі мен сөздің салмағын бағалайтын осындай оқырмандар барда газет өз өмірін жалғастыра береді.

Баспасөзге деген ынтта – елдің рухани тынысының өлшемі. Газетке жазылу-басылымның таралымын арттыру ғана емес, бұл жергілікті баспасөзді сақтап қалуға қосқан үлес, азаматтық позиция, қоғамдық белсенділік ден біліңіз. Жазылу арқылы сіздер тек ақпарат алушы ғана емес, өңір басылымының дамуына үлес қосатын серіктес екеніңізді ұмытпаңыз. Сондықтан, аудандық «Жаңа өмір» газетіне жазылып, аудан баспасөзінің дамуына белсенділік танығыңыз дегіміз келеді.

Бетті дайындаған А.РАХМЕТОВА.

● БӘРЕКЕЛДІ

БЕКІ АУЫЛЫ «АЛЬКОГОЛЬСІЗ АУЫЛ» АТАНДЫ

БЕКІ АУЫЛЫНДА АУДАН ӘКІМДІГІ, ПРОКУРАТУРА ЖӘНЕ ПОЛИЦИЯ ОРГАНДАРЫ МЕН БІРЛЕСІП «ДЕНІ САУ ҰРПАҚ» АТТЫ ОТБАСЫЛЫҚ-СПОРТТЫҚ ШАРА ӨТТІ. ІС-ШАРА ОТБАСЫЛЫҚ ЗОРЛЫҚ-ЗОМБЫЛЫҚҚА ҚАРСЫ ЖӘНЕ «ЗАҢ ЖӘНЕ ТӘРТІП» ҚАҒИДАТЫ АЯСЫНДА ҰЙЫМДАСТЫРЫЛДЫ.

Шараның мақсаты – салауатты өмір салтын насихаттау, тұрмыстық зорлық-зомбылықты болдырмау, ата-ана мен бала арасындағы байланысты нығайту және спорт арқылы отбасылық құндылықтарды дәріптеу. Қатысушы отбасылар түрлі спорттық сайыстарда бақ сынап, ұйымшылдық пен белсенділіктің үлгісін көрсетті, жеңімпаздар марапатталды.

Сонымен қатар, шара аясында аудан әкімдігі, прокуратура, полиция органдары мен кәсіпкерлер төртжақты меморандумға қол қойып, Бекі ауылын «алькогольсіз ауыл» деп жариялады. Бұған дейін Оңды және Тұңыбек ауылдары осындай мәртебеге ие болған еді.

Ұйымдастырушылардың айтуынша, шара жас ұрпақтың денсаулығы мен тәрбиесіне баса назар аударып отырып, қоғамда отбасылық құндылықтар мен салауатты өмір салтын насихаттауға бағытталған.

2026 ЖЫЛҒА «ЖАҢА ӨМІР» ГАЗЕТІНЕ ЖАЗЫЛУ НАУҚАНЫ ЖҮРІП ЖАТЫР

ЖАЗЫЛУ ӘДІСТЕРІ	QazPost	«ҚАЗПОШТА» БӨЛІМШЕЛЕРІ АРҚЫЛЫ
		«QAZPOST» ҚОСЫМШАСЫ АРҚЫЛЫ
		РЕДАКЦИЯ АРҚЫЛЫ
		«НАҮЛК» ЖӘНЕ «KASPIY.KZ» ҚОСЫМШАЛАРЫ АРҚЫЛЫ

12 АЙҒА ЖАЗЫЛУ БАҒАСЫ

	Заңды тұлға	Жеке тұлға
Редакция арқылы	11 040 тг	5 520 тг
QazPost арқылы	15 582,36 тг	7 689,84 тг

JANAOMIR_KZ

ЖАҢА ӨМІР ГАЗЕТІ

+7 (778) 145 - 90 - 93
Қосымша ақпарат үшін (Жарнама бөлімі)

«МАҢҒЫСТАУ МЕДИА» ЖШС
Ақтау қаласы, 9 ш/а, 42/1





● ЖИЫН

ЖУЫРДА АУДАН ӘКІМІНІҢ ОРЫНБАСАРЫ А.АҚҚҰЛОВТЫҢ ТӨРАҒАЛЫҒЫМЕН ТӨТЕНШЕ ЖАҒДАЙЛАРДЫҢ АЛДЫН АЛУ ЖӘНЕ ЖОЮ ЖӨНІНДЕГІ КОМИССИЯ ОТЫРЫСЫ ӨТТІ. ЖИ-ЫНДА АУДАННЫҢ АЗАМАТТЫҚ ҚОРҒАНЫС ЖАҒДАЙЫ, АТҚАРЫЛҒАН ЖҰМЫС КӨЛЕМІ ТАЛҚЫЛАНДЫ. АУДАНДЫҚ ТӨТЕНШЕ ЖАҒДАЙЛАР БӨЛІМІНІҢ БАСТЫҒЫ, АЗАМАТТЫҚ ҚОРҒАУ ПОДПОЛКОВНИГІ Ғ.ШАПЫҚОВ:

ЖҮКТЕЛГЕН
ТАПСЫРМАЛАР
уақытылы орындалмайды

«Биыл төтенше жағдайлар жөніндегі комиссия отырысы 10 айда төрт рет өткізіліп, 7 мәселе қаралды, 29 нақты тапсырма берілді. Алайда бірқатар ауылдық округтер мен бөлімдерге жүктелген тапсырмалар уақытылы орындалмай отыр. Бұл – су тасқынына дайындық, мотопомпаларды тексеру, жылу жүйелерін жаңарту, суарларды тазалау, өрт бекетін ашу сияқты маңызды міндеттер.

2024 жылы ауданның азаматтық қорғау құрылымдарын күру туралы шешім жаңартылып, 49 құрылым, 237 жеке құрам және 71 техника бекітілді. Кезек күттірмейтін жағдайларға арналған жедел топ құрамында 88 қызметкер мен 27 техника бар. Аудан аумағында 55 эвакуациялық қабылдау пункті белгіленген. Олар зардап шеккен 22 мыңға жуық адамды қабылдай алады. Қажет болған жағдайда қосымша тұрғын үйлерді пайдалану жоспарланған. Жыл көлемінде 77 тыңдаушы арнайы курстан өтті, 385 оқу-жаттығу ұйымдастырылды. Сонымен бірге аудан деңгейінде су басу жағдайында адамдарды эвакуациялау және салдарын жою бойынша да кешенді жаттығу өткізілді. Заң талаптарына сәйкес аудан аумағында 26 дауыс зорайтқыш қондырғы орнатылды. Бұл – төтенше жағдайда халықты жедел хабардар етудің негізгі тетігі. Атқарылған іс пен кешевейдеу бар. Шетпе ауылы мен Жармышта жаңбыр суларын бағыттау, арналарды тереңдету және құдықтар салу жұмыстары орындалды. Ал, Шетпенің

бірнеше шағын ауданындағы су арналарын бетондау қаржы тапшылығына байланысты 2026 жылдың 1-тоқсанына шегерілді, – деп баяндады.

Ал, ауданның биологиялық қауіпсіздігінің жай-күйі туралы аудандық санитарлық-эпидемиологиялық бақылау басқармасының басшысы Д.Ашықбаева «Эпидемиологиялық жағдай тұрақты, бірақ өсім бар аурулар белгіленді. ауданда оба, тырысқақ, сібір жарасы, қызамық, көкжөтел секілді қауіпті аурулар тіркелмеген. Бірақ салыстырмалы түрде дизентерия – 1, педикулез – 7, желшешек – 10, туберкулез – 6 жағдайға өскен.

Балалар мен жасөспірімдер арасында туберкулездің екі дерегі анықталды. Жылдық жоспар бойынша екпемен қамту 95% болуы тиіс. Алайда 2025 жылдың 9 айында қамту деңгейі 83,9% ғана. Екпеден бас тартушылар саны 94 баладан 74-ке азайғанымен, түсіндіру жұмыстары жалғасуы қажет. Адам папилломасы вирусына қарсы 11–13 жастағы қыз балаларды егу басталып, жалпы жоспарланған 1499 баланың бірінші кезеңмен – 1032, екінші кезеңмен – 685 бала қамтылды. Ауданда орталық аурухана жанындағы қоймада екі тоңазытқыш камера жұмыс істейді. Салқындату тізбегінің сақталуына тұрақты мониторинг жүргізілуде.

Сібір жарасының 3 қолайсыз аймағы (Қызыл, Мәстек, Торап) анықсыз координаттармен тіркелген. 158 662 мал ек-



пемен қамтылған. Бруцеллез бойынша қолайсыз шаруашылық жоқ. 2025 жылдың 9 айында 331 ит ауланып, қараусыз иттер мәселесі өзекті болып тұр. Жануар тістеу фактілері өткен жылмен салыстырғанда артқан, яғни 45 жағдай тіркелді. Баяндама соңында аталған жай-күйлерді ескере отырып, келесідей ұсыныстар жолдаймын. Жойылған мал өлекселерін өртеуге арналған арнайы орындарды талапқа сай қамтамасыз ету, құтырмаға қарсы жұмысты күшейтіп, жабайы жануарлар мен қараусыз ит-мысықтарды тұрақты аулау, туберкулезді ерте анықтау және балалар арасында алдын алу шараларын күшейту, туберкулезбен ауыратын науқастарға көрсетілетін әлеуметтік көмекті арттыру, ай сайын төлеу мүмкіндігін қарастыру, малдарды уақытылы егу және нақты санақ жүргізу, екпеден бас тартушылармен санитарлық-ағарту жұмыстарын жалғастыру, медициналық ұйымдарда антирабиялық екпе мен иммуноглобулин қорының сақталуына бақылау орнатылу керек», – деді.

Жиын соңында аудан әкімінің орынбасары А.Аққұлов аталған ұсыныстардың қаперге алынғанын айтып, мекемелерге жылдық жоспар бойынша атқарылуы тиіс іс-шараларды жүзеге асыру, тұрғындарды ақпараттандыру және төтенше жағдайлардың алдын алу бойынша нақты тапсырмалар берді.

М.ЖЕБЕКҒЫЗЫ.

● НАРЫҚ

БАҒАДА
БАҚЫЛАУ
БАР МА?

АЗЫҚ-ТҮЛІК БАҒАСЫ – ЕЛ АРАСЫНДА ЕҢ КӨП ТАЛҚЫЛАНАТЫН МӘСЕЛЕЛЕРДІҢ БІРІ. РАСЫНДА ДА, КӨТЕРІЛГЕН БАҒАНЫҢ ҚАЙТА ТӨМЕНДЕУІ СІРЕК БОЛҒАНДЫҚТАН, ХАЛЫҚ КҮНДЕЛІКТІ ТҮТЫНАТЫН НЕГІЗГІ ТАУАРЛАРДЫҢ ҚҰНЫН ҮНЕМІ БАҚЫЛАП ОТЫРАДЫ. ТҮРҒЫНДАРДЫҢ БАСТЫ ТІЛЕГІ – ҰН, НАН, ҚАНТ, МАЙ, КӨКӨНІС СЕКІЛДІ ӨНІМДЕРДІҢ ҚОЛЖЕТІМДІ ӘРІ ТҰРАҚТЫ ДЕҢГЕЙДЕ САҚТАЛУЫ.

Ауданға қарасты ауылдардағы сауда орындарындағы азық-түлік бағалары туралы мәліметті білу үшін аудандық кәсіпкерлік бөлімінің маманы Наурызгүл Теңізбайқызымен тілдескен болатынбыз. Маманның айтуынша, «Бүгінде аудан бойынша барлығы 81 сауда орны жұмыс істейді, оның 69 азық-түлік дүкендері, 12 шағын маркеттер. Әлеуметтік маңызы бар азық-түлік тауарларының бағасына мониторинг әр аптаның сейсенбі және жұма күндері жүйелі түрде жүргізіліп отырады. Соңғы мониторинг нәтижесі бойынша аудан дүкендеріндегі негізгі әлеуметтік маңызы бар азық-түлік тауарларының бағалары төмендегідей деңгейде қалыптасқан:

– бірінші сорт ұны – 254, бидай наны – 128, рожки – 357, қарақұмық – 294, күріш – 370, картоп – 246, сәбіз – 255, пияз – 159, қырыққабат – 229, қант – 471, күнбағыс майы – 918, сиыр еті (1 келі) – 3600, тауық еті – 1590, сүт – 543, айран – 650, жұмыртқа (10 дана) – 638, тұз – 125, сүзбе – 1050 теңгені құрайды.

Қазан айымен салыстырғанда бірнеше тауардың бағасы арзандаған. Атап айтқанда, ұн, қарақұмық, күріш, пияз, күнбағыс майы, тауық еті, жұмыртқа, сүт, тұз және сүзбе бағалары төмендеген. Ал, нан, рожки, картоп және сәбіз бағаларында аздаған өсім байқалды. Қырыққабаттың бағасы өзгеріссіз қалды. Бұл ауытқулар маусымдық өзгерістер мен нарықтағы жеткізілім көлеміне байланысты. Әлеуметтік маңызы бар тауарлардың қолжетімді бағасын қамтамасыз ету мақсатында ауданға «Каспий» ӘКҚ тұрақтандыру қоры арқылы өнім жеткізу жалғасуда. Жыл басынан бері екі дүкен – ЖК «Айша» және ЖК «Табашев» – аталмыш қордан тауар алып келеді.

Өнімдер тұрғындарға нарықтағыдан төмен бағамен ұсынылады. Мәселен, тұрақтандыру қоры арқылы сатылатын күріш – 368 теңге, қарақұмық – 264 теңге, күнбағыс майы – 977 теңге, рожки – 299 теңге, тұз – 99 теңге, қант – 460 теңгеден сатылады. Ал жұмыртқа, картоп және сәбіз 15 пайыз жеңілдікпен беріледі, – дейді.

Жалпы алғанда, аудан халқы күнделікті тұтынатын негізгі азық-түлік тауарларының бағасы кәсіпкерлік бөлімінің тұрақты бақылауында. Тұрақтандыру қоры арқылы жеткізілетін өнімдер бағаның күрт өсуіне жол бермей, нарықтағы тұрақтылықты сақтауға ықпал етуде. Алдағы уақытта да бағаны негізгі өсірмеуге шаралар жүйелі түрде жалғасын табатын болады.

М.ЕРҒАЛИ.

ҚОҒАМДЫҚ ТЫНДАУ

«Мурсалов Е.К.» ЖК Маңғыстау облысының Маңғыстау ауданындағы «Қарамандыбас-4» кен орнында әктас-қабықша өндіру бойынша тау-кен жұмыстарының жоспарына қоғамдық тыңдаулар өткізеді.

Кен орнының географиялық координаттары: 4333'27,60" С.Е. 5233'45,40" Ш. Б.

Қоғамдық тыңдау: 2026 жылғы 13 қаңтарда, сағат 15.00-де Маңғыстау облысы, Ақтөбе а. о., Үштаған а., Өтепбергенов к-сі, 4/3, мәдениет үйі мекен-жайы бойынша жергілікті уақытта өтеді.

Масштаптаудағы онлайн конференцияға сілтеме: <https://us05web.zoom.us/j/85749503537?pwd=wDs6A0VpacCd4ng7vjEefaMWJA72Kq.1>

Конференция идентификаторы: 857 4950 3537.

Кіру коды: Ui3p1W

Қоғамдық тыңдауларға шығарылатын материалдармен сайттан танысуға болады.

<https://hearings.ndbecology.gov.kz/Public/PubHearings/Edit/5768#>

сараптама жүргізу жөніндегі мемлекеттік орган: Маңғыстау облысының Табиғи ресурстар және табиғат пайдалануды реттеу басқармасы.

Жоспарланған қызметтің бастамашысы: «Мурсалов Е.К.» ЖК ЖСН 850427302321. Маңғыстау облысы, Қаракия ауданы.

Ықтимал әсерлер туралы есепті құрастырушы: «ДАЯН-ЭКО» ЖК.

Байланыс телефоны: +77021158199.

ОБЩЕСТВЕННЫЕ
СЛУШАНИЯ

ИП «Мурсалов Е.К.» проводит общественные слушания к РООС к плану горных работ по добыче известняка-ракушечника на месторождении «Қарамандыбас-4» в Мангистауском районе Мангистауской области.

Географические координаты месторождения: 43°33'27,60" С.Ш. 52°33'45,40" В. Д.

Дата проведения 13 января 2026 г. в 15.00 по местному времени по адресу Мангистауская область, Актюбинский с.о., с. Уштаған, ул. Утепбергенова, 4/3, дом культуры.

Ссылка на онлайн-конференцию в зум: <https://us05web.zoom.us/j/85749503537?pwd=wDs6A0VpacCd4ng7vjEefaMWJA72Kq.1>

Идентификатор конференции: 857 4950 3537. **Код доступа:** Ui3p1W

Ознакомиться с материалами, выносимыми на общественные слушания можно на сайте <https://hearings.ndbecology.gov.kz/Public/PubHearings/Edit/5768#>

Государственный орган по проведению экспертизы: управление природных ресурсов и регулирования природопользования Мангистауской области.

Инициатор намечаемой деятельности: ИП «Мурсалов Е.К.» ИИН 850427302321 МАНГИСТАУСКАЯ ОБЛАСТЬ, Каракиянский район.

Составитель отчета о возможных воздействиях: ИП «ДАЯН-ЭКО»

Контактный телефон: +77021158199.

№515

● АДАМ. ҚОҒАМ. ЗАҢ

МЕМЛЕКЕТТІК ҚЫЗМЕТ
ЖӘНЕ СЕНІМ

ҚАЗАҚСТАН РЕСПУБЛИКАСЫНЫҢ МЕМЛЕКЕТТІК ҚЫЗМЕТІ ҚОҒАМ ӨМІРІНДЕ ЕРЕКШЕ РӨЛ АТҚАРАДЫ. ОЛ ҚОҒАМНЫҢ ТЫНЫС-ТІРШІЛІГІН ҚАМТАМАСЫЗ ЕТУДІ ЖӘНЕ ҚОҒАМДЫҚ МҮДДЕЛЕРДІ ЕҢ ҮЗДІК ЖӘНЕ ТИІМДІ ТӘСІЛМЕН ҚАНАФАТТАНДЫРУДЫ БІЛДІРЕДІ.

Мемлекеттік қызметшілер өз қызметінде мемлекеттік саясатты ұстануға және оны дәйекті түрде іс жүзіне асыруға, қоғамның мемлекетік қызметке, мемлекет пен оның институттарына деген сенімін сақтауға және нығайтуға ұмтылуы тиіс.

Бұл арада, мемлекеттік қызметтің миссиясын, мемлекеттік қызметшілердің ерекше құқықтық мәртебесін, олардың алдына қойылған міндеттердің өзіндік ерекшелігін ескере отырып, мемлекет азаматтар үшін, кандидаттарға қойылатын талаптарды және тиісті шектеулерді қоса алғанда, мемлекеттік қызметке кіру және оны өткеру қағидаларын айқындауға құқылы.

Аталған мәселелер мемлекеттік аппарат қызметінің тиімділігін, мемлекеттік өкілеттің бірден-бір бастауы – халық сенімін және берілген білілеттіктердің теріс пайдаланылуына жол бермеуді қамтамасыз ету қажеттілігімен байланысты болуы мүмкін.

Осыған орай, 2025 жылдың 10 қаңтарында Мемлекет басшысы «Қазақстан Республикасының мемлекеттік қызметі туралы» заңның 16-бабына Конституцияға сәйкес келмейтін деп танылған бірқатар заңнама нормаларына өзгертулер енгізді.

Аталған өзгертулерге сәйкес, азаматтардың мемлекеттік қызметке кіру кезінде келесі мерзімдерге шектеулер көзделетін болады:

1 жыл – Қазақстан Республикасы заңдарымен көзделген шектеулерді немесе қызметтік әдеп нормаларын сақтамағаны үшін жұмыстан шығарылған тұлғалар үшін;

2 жыл – мемлекеттік қызметке кір келтірген тәртіптік теріс қылық үшін жұмыстан шығарылған тұлғаларға (бұрын заңнамада өмір бойынша шектеу көзделген);

3 жыл – мемлекеттік қызметке кірер алдындағы сыбайлас жемқорлық құқық бұзушылық жасағаны үшін әкімшілік жаза қолданылған немесе қылмыстық теріс қылық жасаған тұлғаларға;

5 жыл – онша ауыр емес қылмыстар жасағаны үшін соттың айыптау үкімі шығарылған немесе өзіне қатысты қылмыстық

жауаптылықтан ақталмайтын негіздер бойынша босатылған тұлғаларға (аталған мәселе бойынша бұрын 3 жыл мерзім көрсетілген);

8 жыл – ауырлығы орташа қылмыстар жасағаны үшін соттың айыптау үкімі шығарылған немесе өзіне қатысты қылмыстық жауаптылықтан ақталмайтын негіздер бойынша босатылған тұлғаларға мемлекеттік қызметке кіруге шектеулер көзделген (аталған мәселе бойынша бұрын 3 жыл мерзім көзделген).

Басшылық мемлекеттік лауазымға орналасу үшін жоғарыда көрсетілген шектеулердің мерзімі үш жылға ұлғайтылады.

Бұл ретте жеке адамға, отбасына және кәмелетке толмағандарға, конституциялық құрылыс негіздеріне және мемлекет қауіпсіздігіне, меншікке, коммерциялық және өзге де ұйымдардағы қызмет мүдделеріне, экономикалық қызмет саласында және тағы да басқа ауырлығы орташа қылмыс жасағаны үшін сотталғандығы бар немесе болған немесе қылмыстық жауаптылықтан ақталмайтын негіздер бойынша босатылған азаматтар, сондай-ақ сыбайлас жемқорлық, ауыр және аса ауыр, сондай-ақ қылмыстық топ құрамында қылмыс жасаған тұлғалар үшін мемлекеттік қызметке кірмеу бойынша өмір бойына шектеулер көзделген.

Сонымен қатар, мемлекеттік қызметшінің басқа мемлекеттік лауазымға орналасуы кезінде, оның бұрынғы жұмысында жасаған тәртіптік теріс қылығы үшін тәртіптік жауапкершілігін қарау мүмкіндігі енгізілді.

Көрсетілген өзгертулер мемлекеттік қызмет туралы заңнаманы жетілдіруге және халықтың мемлекеттік қызметке деген сенімін нығайтуға бағытталған.

Т.ЖҰМАҒҰЛОВ,

Қазақстан Республикасы Мемлекеттік қызмет істері агенттігінің Маңғыстау облысы бойынша департаментінің басшысы, Әдеп жөніндегі кеңес төрағасы.

● БІЛГЕНГЕ МАРЖАН

ӨҢІРЖИЕК ТУРАЛЫ НЕ БІЛЕСІЗ?

ӨҢІРЖИЕК - ЗЕРГЕРЛІК БҰЙЫМНЫҢ ЕҢ КӨЛЕМДІСІ ДЕ, КҮРДЕЛІСІ. ОЛ ҚАЛЫҢДЫҚҚА АРНАП СОҒЫЛАТЫН, МЕРЕКЕ-ТОЙЛАРДА ТАҒАТЫН НЕГІЗГІ ӘШЕКЕЙ БҰЙЫМДАРЫНЫҢ БІРІ. ӨЗАРА БІР-БІРІНЕ ҰЗБЕЛЕП БЕКІТІЛГЕН БІРНЕШЕ ҮЛКЕНДІ-КІШІЛІ ӨРНЕКТІ ТАҚТАЛАРДАН ТҰРАТЫН САЛМАҚТЫ ДА, САЛТАНАТТЫ ӨҢІРЖИЕКТЕР ӨЗІНІҢ СӘНДІЛІГІМЕН, ҮЙЛЕСІМДІЛІГІМЕН ЕРЕКШЕЛЕНЕДІ. ӨҢІРЖИЕК 3,5,7 ТАҚТАДАН ТҰРАДЫ. ӨҢІРЖИЕКТЕ ҚЫЗ БАЛАНЫҢ ҮШ КЕЗЕҢІ БАР. ОЛ БАЛА КҮНІ, БОЙЖЕТКЕН ШАҒЫ ЖӘНЕ АНА БОЛҒАН КЕЗІ. ӨҢІРЖИЕКТІҢ ТӨМЕНГІ ЖАҒЫНДА БАЛА САНЫ ЖӘНЕ БАЛАНЫҢ ЖЫНЫСЫ КӨРСЕТІЛЕДІ. МЫСАЛЫ РОМБИКТЕР-ҚЫЗ БАЛА, АЛ ДӨҢЕЛЕКТЕР- ҰЛДАР.

Ежелгі уақытта әйелдер көйлегінің кеудесіндегі кестелерді жабу үшін мойнына көлемді әшекейлер киген. Көбіне мұндай әшекей өңіржиек болатын. Ол тұмар рөлін атқарды. Алтын мен тастардан жасалған кулондар әр уақыттың дәстүрлі ерекшеліктерін сақтап қалды. Олар ұрпақтан-ұрпаққа беріліп отырды, өйткені өңіржиек жасау өте қымбат болды. Өңіржиекті оған қосымша бөлімдер қосу арқылы ұзартуға болады. Өңіржиек – тікбұрышты пішінді алқа, омырауша – доға түрінде, тұмарша – үшбұрыш түрінде жасалады. Өңіржиек өндірісінде шеберлер әртүрлі техниканы қолданды. Мысалы: қую, соғу, штамптау және қарайту.

Бұйымның әрбір құрылымдық элементі, оның ішінде ромб пен қоныраулар түріндегі алқалар сиқырлы мағынаға ие. Бұйымның өзі бала емізетін әйелдің міндетті атрибуты болып саналады. Өңіржиек сөзі екі сөзден тұрады: өңір (маңай, өңір, қыр) және жиек (шеті). Осылайша ол әшекейдің нышандық мәнін – емізуді ананың кеудесін қорғаудың ерекше мәртебесін көрсетеді. Бала туатын жастағы әйелдер денесінің өмірлік маңызды аймақтарын «қорғаған» осындай көп деңгейлі кеудеге арналған зергерлік бұйымдардың ұқсас түрі моңғолдарда, түркендерде және басқа халықтарда бар.

Өңіржиек бірқатар немесе екі қатар болып төменге қарай салырап тұратын, әрқайсысы бір-бірімен күміс шынжыр арқылы байланысатын бірнеше күміс тақтадан тұрады. Аталған әшекейлер Ә.Кекілбаев атындағы Маңғыстау облыстық тарихи-өлкетану музейінің қор бөлімінде көптеп сақталған. Солардың ішіндегі ең ұзыны да салмақтысы КП-3758/1 нөмірлі өңіржиек. Оның жалпы ұзындығы – 60см. Салмағы – 873гр. Маңғыстау өңірінде жасалған. Маңғыстаудың зергерлік өнері көшпелі мәдениеттің терең көрінісі болып табылады. Бұйым бес ірі төртбұрышты тақтадан тұрады, соңғы тақтасы бес бұрыш. 1-пластина өлшемі-9,5х10см, 2-пластинаның өлшемі-4,7х10,5см, 3-пластинаның өлшемі-10,5х10,4, 4-пластинаның өлшемі-4,7, 5-пластинаның өлшемі-15х107 см. Әр тақтаның симметриялы орналастырған ойық өрнектер мен бедерлі жолақтар бар. Бұл элементтер көзден, тілден сақтау мағынасын білдіруі мүмкін. Бұйымдағы өрнектер қазақтың дәстүрлі геометриялық элементтері: қошқар мүйіз, үшбұрыштар, ромбтар, сызықтар кең қолданылған. Күміс шынжырларға жалғанған 17 жыланбас салпыншағы бар. Ол қозғалғанда дыбыс шығарып, жың-шайтанды қуады деген наныммен жасалған. Әр тақтасында екі екіден қасы бар. Өрнекші қызыл түсті фон көрінді, беті әйнектелген бұл да қорғаушы түс ретінде қолданылған. Өңіржиектің ең үлкен тақтасының бетіне сіркелеу әдісімен бота мойын оюын салған. Қалған тақталарында сіркелеу әдісімен үш бұрыш, ромб, ирек оюлар салынған.

Екінші өңіржиек те өте көлемді, ұзындығы – 54,5см, салмағы – 764 см. Бес тақтадан тұрады, соңғы тақтасы бес бұрыш болып кел-

ген. Беті алтынмен шайылған. Әр тақта іші қуыс пластинадан жасалған. Оның ішіне бор толтырылған. Әр пластинада сопақша болып келген шөлмек қастары бар, олардың беттеріне және жан-жағына сіркелеу әдісімен үшбұрыш, ирек өрнектер салған. Бұл өңіржиектің ерекшелігі бұйымның екі жақ қапталында ұзына бойлай шынжырға бекітілген сопақша алты қастары бар. Тамшы және жыланбас формасында бес салпыншақтары бар.

Үшінші өңіржиек заманауи үлгіде жасалған. Ұзындығы – 33см, салмағы –209гр. Үш тақтайшадан тұрады, соңғы тақтайшасы бес бұрышты. Әр тақтайшасында екі-екіден қастары бар. 1-ші, 2-ші тақтасында екеуден, ал үшінші тақтасында жеті салпыншақтары бар.

Тақталар күміспен қақталып, іші қуыс етіп жасалады. Қуысына ақ балшық толтырылады. Тақтаның қалыңдығы 0,5 см-ден астам, 1 см-ге жуықтайды. Өңіржиек тақтасын «алақан» деп те атайды. Тігінен алғанда бір қатардан тұратын кейбір өңіржиектің ең төменгі алақаны кішірек екі күміс тақтасын топсамен біріктіру арқылы да жасаған. Өңіржиектің мұндай түрін «қос топсалы өңіржиек» деп атаған. Әрбір тақтаның бетіне асыл тастан көз қондырылып, өрнек түсіріліп, кейбіреулері алтынмен жалатылып, ең төменгі тақтасына күміс салпыншақтар тізіледі. Күміс шынжырлы салпыншақтың ұшында сыңғырлаған дыбыс шығаратын қозасы болады. Қоза дегеніміз – ішінде қиыршық тасы бар шар тәрізді әшекей. Осыған байланысты әшекейдің бұл түрі «қозалы өңіржиек» деп аталады. Өңіржиек тақтасының бетіне ирек, құсқанат, жүрекше секілді ою-өрнек түсіріледі. Жиектеріне алтын, күміс сіркелер қондырылған. Өңіржиекті тағудың өзіндік әдебі бар. Қазақ қыздары оны жасына қарай әртүрлі етіп таққан. Отбасында қыз бала дүниеге келіп, өсіп келе жатқан кезде өзге де әшекейлермен бірге «тіл, көз тимесін» деген ниетпен үшбұрышты тұмар таққан. Оны зергер күмістен бұрыштап немесе жұмыр түтікше тәрізді етіп жасайды, оның іші қуыс болады, онда бәле-жаладан қорғайтын дұға салынған. Өңіржиектің қыз баланың бойжетіп келе жатқан кезінде арналған түрі «өңіртал» деп аталған. Ол аралары алшақтау орналасқан екі тақтадан тұрады, тақталары күміс шынжырлармен байланысқан. Өңіртал көбінесе қызыл түсті шыныдан не аяқ тастан көз салынып, шынжырмен мойынға тағылады. Ал, қыз ұзатылып, тұрмыс құрып, ана атанғаннан кейін үлкендеу, қалыңдау үш тақтадан тұратын өңіржиектер таққан. Өңіржиектің тақтасы көп болған сайын «көпбалалы», «алтын құрсақты ана болсын» деген мағынада жасалған.

Бірінші, екінші, үшінші, төртінші тақталары төртбұрышты болып келіп, соңғы тақтасы төменге қарай бес бұрышталып



келуінде үлкен мән бар. Яғни, ананың болашақта көп ұрпақ дүниеге әкеліп, «көбею» мағынасын меңзеп тұрғандай. Бұл әшекейді әйел адам 45-50 жасқа дейін, яғни баланы дүниеге әкелуге қабілетті жасына дейін ғана таққан. Әйел адам үлкейіп, немерелері болып, әже атанған шағында өңіржиектің төменгі жақтарын ажыратып тастап, бір төртбұрыштысын ғана алқа ретінде тағып жүрген. Өңіржиектің әрбір бөлшегі терең мағынаны білдірген. Мәселен, оның жан- жағындағы көп салпыншақтар ұрпақтың өсіп-өркендеуі, оның жалғастырушы әйел адамның рөлі, өсімдік тектес өрнектің барлығы қанат жаю, өмірдің жалғастығын, жаймашуақ күндерді, көбеюді білдіреді. Ал, өңіржиекті бетіндегі екі ұзын сопақша, ортасында әдемі өрнектердің салынуы жер әлемнің барлығы да әуелде бірінші болып, ер адамнан жаратылғандығын аңғартады. Ер адам болмаса, жер бетіне ешқандай ұрпақ болмас еді. Өмірдің бастамасы ер адамда, соның белінде жатыр дегенді меңзейді. Сондай-ақ, өңіржиек әсіресе жүкті келіншектер үнемі тастамай тағып жүрген. Себебі, адамның назары жүкті әйелдің құрсағына емес, оның әшекейіне түссе тіл-көзден, бәле-жаладан, сұқ көзден сақтайды деген сенім болған.

Көгер көзге сүйкімді, қазақ қыздарының көркіне көрік қосатын бұл әшекейдің тереңіне үңіліп, терең мән барын ұқтық. Қазақы нақыштағы осындай әшекейлерді өкінішке қарай тек той- жиындар мен наурыз мерекесінде тағамыз. Десе де оны күнделікті бойтұмарымызға айналдырған жөн-ау.

Гүлжан ТАҒАНҚЫЗЫ,
Ә.Кекілбаев атындағы облыстық тарихи-өлкетану музейі.

● ӨНЕР

ЖАРМЫШ МӘДЕНИЕТ ҮЙІ ЖАНЫНАН ҚҰРЫЛҒАН «ЖАС ТЕРЕК» БАЛАЛАР ТЕАТРЫ БҮЛДІРШІНДЕРГЕ АРНАЛҒАН ТАНЫМДЫҚ ӘРІ ҚЫЗЫҚТЫ ЕРТЕГІЛІК ҚОЙЫЛЫМЫН ҰСЫНЫП, КІШКЕНТАЙ КӨРЕРМЕНДЕРДІ ҚИЯЛ МЕН ҒАЖАЙЫПҚА ТОЛЫ ӘЛЕМГЕ ЖЕТЕЛЕДІ. ТЕАТР ӘРТІСТЕРІ САХНАЛАҒАН «ЖӘКЕН ЕТІКШІ» ЖӘНЕ «ТАТУЛЫҚ ТАП-ТЫРМАС КҮШ» ҚОЙЫЛЫМЫ БАЛАЛАРДЫҢ ЖАС ЕРЕКШЕЛІКТЕРІНЕ ЛАЙЫҚТАЛЫП, ЖЕҢІЛ ҚАБЫЛДАНАТЫН МАЗМҮНМЕН ӨРІЛІП, БАЛАЛАРДЫ ТАТУЛЫҚ, АУЫЗЫРШЫЛЫҚ СЕКІЛДІ АСЫЛ ҚАСИЕТТЕРГЕ БАУЛЫДЫ. ҚИМЫЛ-ҚОЗҒАЛЫСЫ ШИРАҚ, КОСТЮМДЕРІ КӨРКЕМ, КЕЙІПкерлері есте қаларлық ертегі БҮЛДІРШІНДЕРДІҢ ЫҚЫЛАСЫНА БӨЛЕНДІ.

БАЛАЛАР ТЕАТРЫ БӨБЕКЖАЙДА

«Етікші Жәкен» ертегісіндегі Жәкен рөлін Дарын Басшы, қызды Рауза Қуанышкерейқызы, қасқырды Райана Жалғасқызы, көрші және қала адамын Парасат Сақидұлла мен Рауан Әбдібеков сомдаса, аю рөлінде Өркен Әлімбай, қоян болып Фатима Нұрланқызы және түлкі кейпіні енген Айша

Дарханқызының өнеріне тәрбиешілер тәтті болып, балалар шын қуанды. Ал «Татулық таптырмас күш» ертегісіндегі қасқыр рөліндегі Нұрдана Қанат, аю болған Нұрпат Қуанышбек қоян бейнесін Расул Мұңалбай айнытпай алып шықты.

Балалар кейіпкерлермен бірге оқиғаның дамуына белсенді түрде қатысып отырды. Тәрбиешілердің айтуынша, мұндай мәдени шаралар балалардың эмоциялық дамуына, көркемдік талғамының қалыптасуына және шығармашылық ойлауының өсуіне септігін тигізеді. Сонымен қатар театр өнерімен ерте танысу олардың дүниетанымын кеңейтіп, жақсылық пен жамандықты ажыратуға тәрбиелейді. Қойылым соңында бүлдіршіндер сүйікті кейіпкерлерімен естелік суретке түсіп, қуанышын жасыра алмады. Ал театр ұжымы мұндай кездесулердің алдағы уақытта да жалғасын табатынын айтты. Балаларға қуаныш сыйлаған бұл шараның тәрбиелік мәні зор. Ертегі арқылы жеткен ізгі ой мен жылы сезім олардың жүрегінде ұзақ сақталары анық.

Айнұр ТАНАТАРОВА,
театр жетекшісі.





ТӘРБИЕ

ЖАРМЫШ АУЫЛДЫҚ МӘДЕНИЕТ ҮЙІНДЕ
«АНА – ҰЛТТЫҢ ТІРЕГІ, ОТБАСЫНЫҢ АЛТЫН ДІҢГЕГІ»
ТАҚЫРЫБЫНДАҒЫ ТАҒЫЛЫМДЫҚ СЕМИНАР ҰЙЫМДАС-
ТЫРЫЛЫП, АНАЛАР МЕН ЖАСТАРҒА АРНАЛҒАН ТӘРБИЕЛІК
САБАҚТАР ӨТКІЗІЛДІ. ІС-ШАРАНЫ АУЫЛДЫҚ АНАЛАР КЕҢЕСІ
ҰЙЫМДАСТЫРДЫ. МАҚСАТЫ – АНАЛАРДЫҢ ҚОҒАМДАҒЫ РӨЛІ МЕН
ОТБАСЫНДАҒЫ МАҢЫЗЫН ДӘРІПТЕУ, ҰЛТТЫҚ ҚҰНДЫ-
ЛЫҚТАРДЫ НАСИХАТТАУ ЖӘНЕ ҰРПАҚ ТӘРБИЕСІНЕ
ЕРЕКШЕ НАЗАР АУДАРУ.



АНА – отбасының алтын діңгегі

Семинарға ауыл әкімі Заманбек Әнуаров, облыстық аналар кеңесінің мүшелері Мереке Боранова мен Гүлзира Есетова, аудандық ардагерлер кеңесінің төрағасы Әнес Сегізбай, аудандық ішкі саясат және тілдерді дамыту бөлімінің басшысы Ж.Молдашева, аудандық аналар кеңесінің төрайымы Түймеш Абдуллаева, полиция лейтенанты Салтанат Кенжеахметова және ауыл тұрғындары қатысты.

Қонақтар алдымен ауылдың ісмер аналары мен қолөнершілерінің – Ақкенже Кубикова, Қаншайым Қорғанбаева, Тілектес Тайбағарова, Алтын Мизанбаева, Күнтөре Телегусова, Гүлзада Жексенбаева – туындылары қойылған көрмемен танысты. Сонымен қатар, мектеп оқушылары мен жастарға қазақтың ұлттық қолөнерлері мен дәстүрлі техникасы дәріптелді. Мектеп психологі және аналар кеңесінің мүшесі Нұржигхан Таңатарова қыз балаларға ұмытылып бара жатқан жүн сабау әдісін таныстырып, тәжірибелік сабақ өткізді.

Семинар барысында облыстан келген қонақтар әйелдер мен аналарды қолдау бағытында атқарылып жатқан жұмыстармен бөлісті. Полиция өкілі С.Кенжеахметова тұрмыстық зорлық-зомбылықтың алдын алу, құқықтық сауаттылық бойынша түсіндірме жұмыстарын жүргізді.

Іс-шара аясында ұлттық құндылықтарды жаңғырту мақсатында өткен байқаулардың жеңімпаздары марапатталды. «Алтын шаңырақ», «Алатеру аламан», «Текемет басу» облыстық сайыстарына қатысып, жүлдеге ие болған отбасылар мен қолөнер шеберлері арнайы құрметтелді. Марапатталғандар қатарында А.Мизанбаева, А.Кубикова, Т.Тайбағарова сынды ауыл тұрғындары бар.

Семинарға қатысушылар ананың отбасындағы орнын қаншалықты маңызды екенін, ұрпақ тәрбиесі мен ұлттық құндылықтар

сабақтастығының маңызын нақты түсінді. Жастар мен оқушыларға ұлттық қолөнерді үйрету, дәстүрлі мәдениетімізді насихаттау бағытындағы тәжірибелік сабақтар ерекше әсер қалдырды.

Жармыштағы бұл шара – аналардың қоғамдағы рөлін арттыруға, отбасы құндылықтарын дәріптеуге, ұрпақ тәрбиесіне бағытталған маңызды іс-шара ретінде есте қалды. Ұйымдастырушылардың айтуынша, аудандық ішкі саясат және тілдерді дамыту бөлімінің қолдауымен аналар кеңесінің жылдық жоспарына сай өткізілген осындай семинарлар алдағы уақытта да жалғасады.

Осындай шаралар арқылы ауыл тұрғындары ұлттық мәдениетімізді сақтау, отбасындағы жылулықты нығайту және жас ұрпақты ұлттық құндылыққа тәрбиелеу бағытында нақты тәжірибе жинайды және қоғамдық белсенділігін арттырады.

ДІН ДІҢГЕК

ДӘСТҮРЛІ ҚҰНДЫЛЫҚ – ҚАУІПСІЗДІКТІҢ КЕПІЛІ

Жұырда ауданымызда «Дәстүрлі дін мен отбасы құндылықтары» тақырыбында өткен кездесуге Қазақстан Республикасының Дін істері комитетінің республикалық ақпараттық-түсіндіру тобының мүшесі, теолог-психолог Нұрмұхаммед Разақов спикер ретінде қатысып, аудан тұрғындарымен жүздесті.

Кездесуге аудандық спортшылар, мемлекеттік қызметшілер, мектеп мұғалімдері, ата-аналар, колледж студенттері және «Маңғыстауэнергомунай» қызметкерлері қатысты. Шара барысында Нұрмұхаммед Разақов дәстүрлі ислам дінінің тәрбиелік маңыздылығы мен отбасы құндылықтарының қоғамдағы орны жайлы кеңінен айтты. Сонымен қатар, ата-ана мен бала арасындағы қарым-қатынас, рухани даму жолдары, ұлттық тәрбие мәселелері де талқыланды.

Кездесудің басты бөлімі – балалардың смартфонға тәуелділігі мен әлеуметтік

ЖАҒЫМДЫ ЖАҢАЛЫҚ

ҚЫЗАН АУЫЛЫНАН ШЫҚҚАН ЖАС СПОРТШЫ НҮРСӘТ ҒАЛЫМБЕКҰЛЫ КИКБОКСИНГ-ТЕН ӨТКЕН БИЫЛҒЫ ЕҢ БЕДЕЛДІ ӘЛЕМДІК БӘСЕКЕДЕ КҮМІС ЖҮЛДЕГЕР АТАНЫП, МАҢҒЫСТАУДЫҢ МЕРЕЙІН АСЫРЫП ҚАЙТТЫ. БҮЛ – ӨҢІР СПОРТЫНЫҢ ҚАРҚЫНЫН, ЖАС БУЫННЫҢ ЖАНКЕШТІ ЕҢБЕГІН ДӘЛЕЛДЕЙТІН ҚУАНЫШТЫ ЖАҢАЛЫҚ. СПОРТШЫНЫҢ ЖЕҢІСІ АУДАН ЖҰРТШЫЛЫҒЫ ҮШІН ЕРЕКШЕ МАҚТАНЫШ БОЛДЫ.



ӘЛЕМ ДОДАСЫНАН КҮМІС ЖҮЛДЕ

Нұрсәт Ғалымбекұлы 2025 жылдың 21-30 қарашасында Абу-Даби қаласында (БАӘ) өткен кикбоксингтен Әлем чемпионатына Қазақстан ұлттық құрамасының сапында қатысты. Биылғы әлемдік турнирге 85 елден 1964 спортшы жиналып, әр санат бойынша дүбірлі дода ұйымдастырылды.

Елімізден барған 49 спортшы түрлі салмақ дәрежелерінде бақ сынады.

Жас спортшыны жарысқа дайындаған бапкер – шәкірттері республикалық және әлемдік аренада жүлде алып жүрген жоғары санатты жаттықтырушы Жұбатқан Сайынов. Бапкер мен шәкірттің жылдар бойы

жинақтаған тәжірибесі, жоспарлы жаттығулары және психологиялық дайындықтары осы ірі нәтижеге жол ашты.

Нұрсәт бірнеше қарсыласын айқын басымдықпен жеңіп, финалға дейін жетті. Шешуші кездесуде тартысты тайталас көрсеткенмен, аз ғана ұпай айырмасымен екінші орынға тұрақтады. Осылайша ауылдан шыққан спортшы Әлем чемпионатының күміс жүлдегері атанды. Ал Қазақстан құрамасы жалпы додада 3 алтын, 10 күміс, 7 қола медаль жеңіп алып, халықаралық жарыста жоғары көрсеткіш көрсетті.

Бұл жеңіс – ауыл баласының та-

бандылығы мен еңбегінің жемісі. Қызан ауылында спортқа деген қызығушылықтың артып келе жатқаны, жаттықтырушылардың кәсібилігі мен жастарды қолдауға бағытталған жұмыстардың нәтижесі осындай мәртебелі жетістіктерден көрініс тапты.

Нұрсәт Ғалымбекұлының бүгінгі жеңісі – ертеңгі үлкен белестердің бастауы. Спортшының болашақта әлемдік аренада ел намысын қорғап, Маңғыстаудың атын таныта беруіне сенім мол. Бұл жетістік жас буынға жігер беріп, ауыл спортының дамуына серпін беретіні анық.

Дайындаған М.ЖЕБЕКҰЛЫ.

МҰРАГЕРІН ІЗДЕУ

Нотариус Өтетілеуова Гүлнұр Оразбекқызы 2025 жылы 27 маусымда қайтыс болған **АБДИКАЕВ БАКТИБАЙ КАИРБАЕВИЧ**тің мұрагерлеріне іздеу салады. Барлық мұрагерлеріне осы хабарлама шыққан күннен бастап бір ай мерзім ішінде Маңғыстау ауданы, Шетпе селосы, Орталық көшесі, 43 ғимарат нотариус кеңсесіне хабарласуларыңызды сұрайды. Тел: 8 708 302 36 04.

№516

Нотариус Ауданбаева ГА 2025 жылы 08 шілдеде қайтыс болған САЛИКОВА КАЛАМ КОШТАЕВНАның мұрагерлеріне іздеу салады. Барлық мұрагерлеріне осы хабарлама шыққан күннен бастап бір ай мерзім ішінде Маңғыстау ауданы, Шетпе селосы, Орталық ш/а №1 үй, 4 пәтер мекен-жайы бойынша орналасқан нотариус кеңсесіне хабарласуларыңызды сұрайды. Тел: 8 702 303 90 80

518

МЕНШІК ИЕСІ:



MAŃGYSTAÝ
MEDIA

Директор –
Ануарбек БИМАҒАМБЕТ

Қабылдау бөлімі,
тел./факс: 20-48-34,
mangystau.media@mail.ru



ЖАҢА ӨМІР

аудандық қоғамдық-саяси газет

Газет Қазақстан Республикасы Мәдениет және ақпарат министрлігінде 6.02.2013 ж. есепке қойылып, №13356-Г куәлігі берілген.

Редактор – Айгүл РАХМЕТОВА

Тілші – М.ЖЕБЕКҰЛЫ

Газет «Маңғыстау-Медиа» ЖШС
Ақпарат және дизайн орталығында беттелді.

Беттеуші дизайнер –
Ш.АЯЗБАЕВА.

«Атырау-Ақпарат» ЖШС
баспаханасында басылды.
060005, Атырау қаласы,
Ж.Молдағалиев көшесі, 29А.
Тел: 8 7122 458-660,
586-392.



- Газет жарияланымдарындағы автор пікірі редакцияның түпкілікті көзқарасы болып есептелмейді.
- Жарияланған материалдарды сілтемесіз көшіріп басуға болмайды.
- Жарнама, хабарландырулар мазмұнына редакция жауап бермейді.
- Редакцияға жолданған материалдарға рецензия жасалмайды және қолжазба авторға қайтарылмайды.
- Тақырыптық суреттер ғаламтордан алынады.

Тапсырыс нөмірі: 1430
Таралымы: 244
Индекс: 65612
Газеттің бағасы келісімді

АҒА РАЙЫ БОЛЖАМЫ

5 желтоқсан

түнде: -1 | күндіз: +2

6 желтоқсан

түнде -2 | күндіз: +4

7 желтоқсан, жаңбыр

түнде: +2 | күндіз: +5

8 желтоқсан

түнде: +0 | күндіз: +3

9 желтоқсан

түнде: 0 | күндіз: +4